

四庫全書存目叢書編纂委員會編

齊魯書社

四庫全書存目叢書

責任編輯：孫言誠 賀 偉

ISBN 7-5333-0615-5



9 787533 306151 >

EB36/08

四庫全書存目叢書·集部三六七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 45.5印張

1997年7月第1版 1997年7月第1次印刷

印數1-100

ISBN 7 5333 0615 5

Z·60 集部定價：127800圓

集部第三六七冊目次

集部・總集類

歷代古文國璋集一百四十一卷(存一百三十九卷)(二)

〔明〕方岳貢評選

首都師範大學圖書館藏明刻本

.....一

歷代古文國瑋集一百四十

一卷(存一百三十九卷)

(二)

〔明〕方岳貢評選

首都師範大學圖書館藏明刻本

歷代古文國瑋集卷之二十九

襄西方岳貢禹修評選

三國文

求存問親戚疏

曹 杭

太和五年檢復上疏
詔敕有司如王所許

臣聞天稱其高者以無不覆地稱其廣者以無不載
日月稱其明者以無不照江海稱其大者以無不容
故孔子曰大哉堯之爲君惟天爲大惟堯則之夫天
德之千萬物可謂弘廣矣蓋堯之爲教先親後疏自

古文國瑋集卷之二十九

一三國卷二

近及遠其傳曰克明峻德以親九族九族既睦平章
百姓及周之文王亦崇厥化其詩曰刑于寡妻至于
兄弟以御于家邦是以雍雍穆穆風人詠之昔周公
甲管蔡之不咸廣封懿親以藩屏王室傳曰周之宗
盟異姓爲後誠骨肉之恩爽而不離親親之義寔在
敦同未有義而後其君仁而遺其親者也伏惟陛下
資帝唐欽明之德體文王翼翼之仁惠洽椒房恩昭
九族群后百寮番休遞止執政不廢于公朝下情得
展于私室親望之路通慶弔之情展誠可謂恕已治

齊武帝惠
二語微帝
情疾

與中山王
樂府題相
同

是時非無
文士以科
禁忌切不
得通賓客
或爾

古文園集

卷之二十九

二三國卷二

人推惠施恩者矣。至于臣者。人道絕緒。禁錮明時。臣
窃自傷也。不敢過望交氣類。修人事。致人倫。近且婚
媾不通。兄弟乖絕。吉凶之間。塞慶弔之禮。廢恩紀之
達。甚于路人。隔閼之異。殊于胡越。今臣以一切之制。
永無朝覲之望。至于注心皇極。結情紫園。神明知之。
矣。然天實爲之。謂之何哉。退惟諸王。帝有戚戚具爾
之心。願陛下沛然垂詔。使諸國慶。四節得展。以敘
骨肉之歡。恩全怡怡之篤。義妃妾之家。膏沐之遺。歲
得再通。齊義于貴宗等。惠于百司。如此則古人之所
歎。風雅之所詠。復存于聖世矣。臣伏自惟省。無錐刀
之用。及觀陛下之所拔授。若以臣爲異姓。窃自料度。
不後于朝士矣。若得辭遠游。戴武弁。解朱組。佩青綬。
駟馬奉車。趣得一號。安宅京室。執鞭珥筆。出從華蓋。
入侍簪鼓。承答聖問。拾遺左右。乃臣丹誠之至。願不
離于夢想者也。遠慕鹿鳴。君臣之宴。中詠常棣。匪他
之誠。下思伐木。友生之義。終懷葵藿。同極之哀。每四
節之會。塊然獨處。左右惟僕隸。所對惟妻子。高談無
所與。陳發義無所與。展未嘗不聞。樂而指心。臨觴而

古文園集

卷之二十九

王三國卷二

歎息也。臣伏以爲犬馬之誠。不能動人。譬人之誠。不
能動天。崩城隕霜。臣初信之以臣心。况徒虛語耳。若
葵藿之傾葉。太陽雖不爲之回光。然向之者誠也。窃
自比于葵藿。若降天地之施。垂三光之明者。寔在陛
下。臣聞文子曰。不爲福始。不爲禍先。今之否隔。友于
同憂。而臣獨倡言者。窃不願于聖世。使有不蒙施之
物。有不蒙施之物。必有慘毒之懷。故柏舟有天只之
怨。谷風有棄予之歎。故伊尹恥其君不爲堯舜。孟子
曰。不以舜之所以事堯事其君者。不敬其君者也。臣
之愚蔽。固非虞伊。至于欲使陛下崇光被時。臻美
宜。緝熙章明之德者。是臣懷懷之誠。窃所獨守。實懷
鶴立企佇之心。敢復陳聞者。冀陛下倘發天聰。而垂
神聽也。
陳思歸藩。與白馬王同塗。而有司禁之。至此疏求
通親親。蓋其天性真厚如此。于諸王親戚。尚不忍
乖離。况宗朝乎。

陳壽舉疏

疏上帝後
文答報

曹植

臣聞天地協氣而萬物生。君臣合德而庶政成。五帝
 之世。非皆智。三季之末。非皆愚。用與不用。知與不知。
 也。既時有舉賢之名。而無得賢之實。必各授其類。而
 進矣。訪曰。相門有相。將門有將。夫相者。文德昭者也。
 將者。武功烈者也。文德昭。則可以匡國朝。致雍熙。獲
 契。變龍是也。武功烈。則可以征不庭。威四夷。南仲方
 叔。是也。昔伊尹之為。膠臣至賤也。呂尚之處。屠釣至
 古。文國璋集卷之二十九
 陋也。及其見舉于湯武周文。誠遵合志。同玄。謨神。過
 豈復假近習之。弄因左右之介哉。書曰。有不世之君。
 必能用不世之臣。用不世之臣。必能立不世之功。殷
 周二王是矣。若夫離輿近步。遵常守故。安足為陛下
 言哉。故陰陽不和。三光不暢。官曠無人。庶政不整者。
 三司之責也。疆場騷動。方隅內侵。沒軍喪衆。干戈不
 息者。邊將之憂也。豈可虛荷國寵。而不解其任哉。故
 任益隆者。負益重。位益高者。責益深。書稱無曠庶官。
 詩有職思其憂。此其義也。陛下體天真之淑聖。登神

此語指吳
也當時
中國自大
之語勢如

機以繼統。異聞康哉之謠。偃武行文之美。而數年以
 來。水旱不時。民困衣食。師徒之發。歲歲增調。加東有
 覆敗之軍。西有殪沒之將。至使蚌蛤浮翔于淮泗。鼃
 鼃譟譟于林木。臣每念之。未嘗不輟食而揮餐。臨觴
 而搥腕矣。昔漢文發代。疑朝有變。宋昌曰。內有朱虛。
 東牟之親。外有齊楚淮南。卿邪。此則磐石之宗。願主
 勿疑。臣伏惟陛下。遠覽姬文二國之援。中慮周成召
 畢之輔。下存宋昌磐石之固。昔騏驥之于吳阪。可謂
 困矣。及其伯樂相之。孫郵御之。形體不勞。而坐取千
 里。蓋伯樂善御馬。明君善御臣。伯樂馳千里。明君致
 太平。誠任賢使能之明效也。若朝司惟良。萬機內理。
 武將行師。方難克殲。陛下可得雍容都城。何事勞動
 鑾駕。暴露于邊境哉。臣聞羊質虎皮。見草則悅。見豺
 則戰。忘其皮之虎也。今置將不良。有似于此。故語曰。
 患為之者。不知知之者。不得為也。昔樂毅奔趙。心不
 忘燕。廉頗在楚。思為趙將。臣生于亂。長乎軍。又數承
 教于武皇帝。伏見行師用兵之要。不必取孫吳而開
 與之合。竊拊之于心。常願得一奉朝覲。排金門。踞玉

劉子政之
論王氏則
切相同

陸到有職之臣。賜須臾之間。使臣得一散所懷。據紆
繭積死。不恨矣。被鴻臚所下。發士息書。期會甚急。又
聞豹尾已建。戎軒驚駕。陛下將復勞玉躬。擾往神思。
臣誠竦息。不遑寧處。願得策馬執鞭。首當塵露。攝風
后之奇。接徐吳之要。追慕卜商。起予左右。致命先驅。
畢命輪轂。雖無大益。冀有小補。然天高聽遠。情不上
通。徒獨望青雲。而拊心仰高天。而歎息耳。屈平曰。國
有驥而不知乘焉。皇皇而更索。昔管蔡放誅。周召作
弼。叔魚陷刑。叔向匡國。三監之釁。臣自當之二南之
古文閣集卷之二十九 六十四卷上

輔求必不違。華宗貴族。藩王之中。必有應斯舉者。故
傳曰。無周公之親。不得行周公之事。唯陛下少留意
焉。近者漢氏廣建藩王。豐則連城數十。約則饗食祖
宗而已。未若姬周之樹國五等之品制也。若扶蘇之
諫。始皇淳于越之難。周青臣可謂知時變矣。夫能使
天下傾耳注目者。當權者是矣。故謀能移主。威能懾
下。素右執政。不在親戚權之所在。雖疏必重。勢之所
去。雖親必輕。蓋取齊者。田族非呂宗也。分晉者。趙魏
非姬姓也。惟陛下察之。苟吉。專其位。凶。離其患。者。異

姓之臣也。欲國之安。祈家之貴。存共其榮。沒同其禍。
者。公族之臣也。今反公族疏而異姓親。臣竊惑焉。臣
聞孟子曰。君子窮則獨善其身。達則兼善天下。今臣
與陛下踐冰履炭。登山浮澗。寒溫燥溼。高下共之。豈
得離陛下哉。不勝憤懣。拜表陳情。若有不合。乞且藏
之。書府不便。滅棄臣死之後。事或可思。若有毫厘少
挂聖意者。乞出之朝堂。使夫博古之士。糾臣表之不
合義者。如是。則臣願足矣。

古文閣集卷之二十九 六十四卷上

明帝之時。司馬宣王尚為疆場之將。未秉朝政也。
陳思之言。知機其神乎。蓋以疎忌宗室。不令當事。
度其後將有篡弑之臣耳。

論發諸國士息疏

曹植

太和中大發諸國士息植以近前士息已見發其遺孤雅弱在者無幾士書陳之

臣聞古者聖君與日月齊其明四時等其信是以義凶無重賞善無輕怒若驚霆喜若時雨恩不中絕教無二可以此臨朝則臣下知所死矣受任在萬里之外審主之所以受官必已之所以投命雖有構會之徒泊然不以爲懼者蓋君臣相信之明效也昔章子爲齊將人有告之反者威王曰不然左右曰王何以明之王曰聞章子改葬死母彼尚不欺死父顧當叛古文圖書集卷之二十九 八三國卷二

生若乎此君之信臣也昔管仲親射桓公後幽囚從魯檻車載使少年挽而送齊管仲知桓公之必用已懼魯之悔謂少年曰吾爲汝唱汝爲和聲和聲宜走于是管仲唱之少年走而和之日行數百里宿昔而至至則相齊此臣之信君也臣初受封策書曰植受茲青社封于東土以屏翰皇家爲魏藩輔而所得兵百五十人皆年在耳順或不踰矩虎賁官騎及親事凡二百餘人正復不老皆使年壯備有不虞簡校乘城顧不足以自救况皆復耄耄罷曳乎而名爲魏東

藩使屏翰王室臣竊自羞矣就之諸國國有士子合不過五百人伏以爲三軍益損不復賴此方外不定必當須辦者臣願將部曲倍道奔赴夫妻負襁子弟懷糧蹈鋒履刃以徇國難何但習業小兒哉愚誠以揮涕增河魃鼠飲海于朝萬無損益于臣家計甚有廢損又臣士息前後三送兼人已竭惟尚有小兒七八歲已上十六七已還三十餘人今部曲皆年耆臥在床席非康不食眼不能視氣息裁屬者凡三十七人疲瘵風靡死盲聾瞶者廿三人惟正須此小兒大古文圖書集卷之二十九 九三國卷二

者可備宿衛雖不足以禦寇粗可以警小盜小者未堪大使爲可耘鉏穢草驅護鳥雀休候人則一事廢一自獵則衆業散不親自經營則功不攝常自躬親不委下吏而已陛下聖仁恩詔三至士子給國長不復發明詔之下有若敝日保金石之恩必明神之信盡然自固如天如地定習業者並復見送曉若晝晦悵然失圖伏以爲陛下既爵臣百餘之右居藩國之任爲置卿士屋名爲宮冢名爲陵不使其危居獨立無異于凡庶若柏成欣于野耕子仲樂于灌園蓬戶

茅牖原憲之宅也。陋巷單瓢。顏子之居也。臣才不見。效。用。常。慨。然。執。斯。志。焉。若。陛。下。聽。臣。悉。還。部。曲。罷。官。屬。省。監。官。使。解。璽。釋。紱。追。柏。成。子。仲。之。業。營。顏。淵。原。憲。之。事。居。于。臧。之。廬。宅。延。陵。之。室。如。此。雖。進。無。成。功。退。有。可。守。身。死。之。日。猶。松。喬。也。然。伏。度。國。朝。終。未。肯。聽。臣。之。若。是。固。當。羈。絆。于。世。繩。維。繫。于。祿。位。懷。屑。屑。之。憂。執。無。已。之。百。念。安。得。蕩。然。肆。志。逍。遙。于。宇。宙。哉。此。願。本。從。陛。下。必。欲。崇。親。親。篤。骨。肉。潤。白。骨。而。不。能。者。惟。遂。仁。德。以。副。前。恩。

古文園華集卷之二十九

十三國卷二

是時調發煩多故及藩國士息未必若文帝時猜忌諸王而使之削弱也陳思此疏前段明了後段恢激在陳思之文另為一體

答臨菑侯書

楊修

頃後以臨菑侯疏連綴修不止修亦不敢自絕竟生罪戾矣

不待數日若彌年載豈獨愛顧之隆使係仰之情深邪損辱嘉命虧矣其文誦讀反覆雖風雅頌不復過此若仲宣之擅江表陳氏之跨冀域徐劉之顯青豫應生之發魏國斯皆然矣至如修者聽采風聲仰德不暇目周章于省覽何惶駭于高視哉伏惟君侯少長責盛體發旦之資有聖善之教遠近觀者徒謂能宜昭懿德光贊大業而已不謂復能兼覽傳記留思文章今乃令王超陳度越數子觀者駭視而拭目聽者傾首而聳耳非夫體通性達受之自然其誰能至于此乎又嘗親見執事握牘持筆有所造作者成誦在心借書于手曾不斯須少留思慮仲尼日月無所踰焉修之仰望始如此矣是以對鵠而辭作暑賦彌日而不獻見西施之容歸憎其貌者也伏想執事不知其然假愛顧賜教使刊定春秋之成莫能損益呂氏淮南字直千金然而弟子銜口市人拱手者豈賢卓犖固所以殊絕凡庸也今之賦頌古詩之流不更

漢書卷之二十九

古文園華集卷之二十九

十三國卷二

孔公風雅無別耳。修家丁雲。老不曉事。强著一書。悔其少作。若比仲山周旦之徒。則皆有愆乎。君侯忘聖賢之顯迹。述鄙宗之過言。竊以爲未之思也。若乃不志經國之大美。流千載之英聲。銘功景鍾。書名竹帛。此自雅量素所蓄也。豈與文章相妨。害哉。輒受所惠。竊備矇眊歌誦而已。敢忘惠施以忝莊氏季緒瑣瑣。何足以云。

各詞盛引文賦之功。非不知陳思旨趣也。往復情大體宜然耳。

答魏太子晨

吳質

質字季重。濟陰人。歷振威將軍。封列侯。侍中。爲文帝所善。帝薨。思慕而卒。

二月八日庚寅。臣質言。奉讀手命。追亡慮存。恩哀之隆。形于文墨。日月冉冉。歲不與我。昔侍左右。厠坐衆賢。出有微行之游。入有管絃之歡。置酒樂飲。賦詩稱壽。自謂可終始相保。並騁材力。効節明主。何意數年之間。死喪累盡。臣獨何德。堪以久長。陳徐劉應。才學所著。誠如來命。惜其不遂。可爲痛切。凡此數子。于雍容侍從。實其人也。若乃邊境有虞。羣下鼎沸。軍書輻至。羽檄交馳。于彼諸賢。非其任也。往者季武之世。文章爲盛。若東方朔枚臯之徒。不能持論。卽阮陳之儔也。其惟嚴助壽王。與聞政事。然皆不慎其身。善謀于國。卒以敗亡。臣竊恥之。至于司馬長卿。稱病避事。以著書爲務。則徐生庶幾焉。而今各逝。已爲異物矣。後來君子。寔可畏也。伏惟所天。優游典籍之場。休息篇章之間。發言抗論。窮理盡微。擣藻下筆。鸞龍之文。奮矣。雖年齊蕭王。才實百之。此衆議所以歸高。遠近所以同聲也。然年歲若墜。今質已四十二矣。白髮生髮。

如馬伏波
老而愈健

所慮日深。實不復若平生之時也。但欲保身救行。不
蹈有過之地。以爲知己之累耳。游宴之歡。雖可再遇。
盛年一過。實不可追。臣幸得下愚之才。值風雲之會。
時邁齒。猶欲觸胸。奮首展其割裂之用也。不勝悽
悽。以來命備悉。故畧陳至情。質死罪死罪。

卒重此答以文士目諸子而以馳驅自效也亦其
才幹定如此耳

古文國華集卷之十九

古三國卷二



答東阿王植書

吳質

質白。信到奉所惠。脫發函伸紙。是何文采之巨麗。而
慰喻之綢繆乎。夫登東嶽者。然後知衆山之邈迤也。
奉至尊者。然後知百里之平微也。自旋之初。伏念五
六日。至于旬時。精散思越。惘若有失。非敢羨寵光之
休。慕猗頓之富也。誠以身賤犬馬。德輕鴻毛。至乃歷
玄闕。排金門。升玉堂。伏虛檻於前殿。臨曲池而行觴。
既威儀虧替。言辭漏滌。雖恃平原養士之懿。愧無毛
遂耀穎之才。深蒙薛公折節之禮。而無馮諼三窟之
效。屢獲信陵虛左之德。又無侯生可述之美。凡此數
者。乃質之所以憤積于胸臆。懷眷而悵邑者也。若追
前宴。謂之未究。欲傾海爲酒。并山爲肴。伐竹雲夢。斬
梓泗濱。然後極雅意。盡歡情。信公子之壯觀。非鄙人
之所庶幾也。若質之志。實在所天。思投印釋轡。朝夕
侍坐。鑽仲父之遺訓。覽老氏之玄言。對清酤而不酌。
抑嘉肴而不享。使西施出帷。嫫母侍側。斯盛德之所
蹈。明哲之所係也。若乃近者之親實。蕩鄙心。秦箏發
徽。二八迭奏。塤簫激干。華屋靈鼓。動于座左。耳嘈嘈

高亮任性
而能爲此
論者知其
所得于老
道深也

古文國華集卷之十九

古三國卷二

而無間情踴躍于鞍馬謂可北懾蕭慎使貢其格矢南震百越使獻其白雉又況權備夫何足視乎還治諷采所著觀省英瑋實賦頌之宗作者之師表也衆賢所述亦各有志昔趙武過鄒七子賦詩春秋載列以爲美談質小人也無以承命又所答脫辭醜義陋申之再三赧然汗下此邦之人閑習辭賦三事大夫莫不諷誦何但小史之有乎重惠苦言訓以政事惻隱之恩形乎文墨墨子迴車而質四年雖無德與民式歌且舞儒墨不同固以久矣然一旅之衆不足以

古文園集卷之二十九

三國卷二

揚名步武之間不足以騁跡若不改轍易御將何以效其力哉今處此而求大功猶絆良驥之足而責以千里之任檻猿猴之勢而望其巧捷之能者也不勝見恤謹附遺白答不敢繁辭吳質白

季重進謹言于陳思便與德祖浮華不同觀其處二曹之間可以無咎

討曹操檄

陳琳

紹敗琳歸操操曰卿昔爲本初移書但可罪狀孤而已惡惡止其身何乃上及父祖耶琳謝曰矢在弦上不得不發

蓋聞明主圖危以制變忠臣慮難以立權曩者強秦弱主趙高執柄專制朝權威福由己終有望夷之禍汗辱至今及臻呂后祿產專政擅斷萬機決事禁省下陵上替海內寒心于是絳侯朱虛興兵奮怒誅夷逆暴尊立太宗故能道化興隆光明融顯此則大臣立權之明表也司空曹操祖父騰故中常侍與左悺徐璜並作妖孽饕餮放橫傷化虐人父嵩乞匄攜養因賊假位與金瑩璧輸貨權門竊盜鼎司傾覆重器操奸闖遺醜本無令德標狡鋒俠好亂樂禍幕府董統鷹揚掃夷凶逆續遇董卓侵官暴國于是提劍揮鼓發命東夏廣羅英雄棄瑕錄用故遂與操參容策畧謂其鷹犬之才爪牙可任至乃愚佻短慮輕進易退傷夷折劬數喪師徒幕府輒復分兵命銳修完補輯表行東郡太守亮烈刺被以虎文授以偏師獎威柄異獲秦師

古文園集卷之二十九

三國卷一

烈割剝元元。殘賢害善。故九江太守邊讓。英才傑逸。以直言正色。論不阿諂。身被暴懸之戮。妻孥受灰滅之咎。自是士林憤痛。人怨天怒。一夫奮臂。舉州同聲。故躬破千徐。方地奪于呂布。彷徨東裔。蹈據無所。幕府惟強幹弱枝之義。且不登畔人之黨。故復援旅振甲。席卷赴征。金鼓響震。布衆破沮。拯其死亡之患。復其方伯之任。是則幕府無德于兗土。而有再造于操也。會後鑒駕東反。群虜寇攻。時冀州方有北鄙之警。匪遑離局。故使從事中郎徐勣。就發遣操。使繕修郊廟。翼衛幼主。而便放志專行。威劫省禁。卑侮王僚。敗法亂紀。坐領三臺。專制朝政。爵賞繇心。刑戮在口。所愛光五宗。所怨滅三族。群談者受顯誅。腹議者蒙隱戮。道路以目。百辟鉗口。尚書記朝。會公卿充員品。而已故太尉楊彪。歷典二司。元綱極位。操因睚眦。被以非罪。夢楚并兼五毒。俱至觸情放恣。不顧憲章。又議郎趙彥忠。諫直言議。有可納。故聖朝含聽。改容加錫。操欲速奪。時明杜絕。言路擅收。立殺不俟報聞。又梁孝王先帝母弟。墳陵尊顯。松柏桑梓。猶宜恭肅。操率

將吏士。親臨發掘。破棺裸尸。掠取金寶。至今聖朝流涕。士民傷懷。又署發丘中郎將。摸金校尉。所過毀突。無骸不露。身處三公之官。而行桀虜之態。汙國虐民。毒施人鬼。加其細政苛慘。科防互設。矰繳充蹊。阮籍塞路。舉手挂網。罪勳足蹈機陷。是以兗豫有無聊之人。帝都有吁嗟之怨。歷觀古今。書籍所載。貪殘虐烈。無道之臣。于操為甚。幕府方許外好。未及整訓。加意含覆。冀可彌縫。而操豺狼野心。潛包禍謀。乃欲撓折棟梁。孤弱漢室。除忠害善。專為梟雄。往歲伐鼓北征。討公孫瓚。張禦禁逆。拒圍一年。操因其未破。陰交書命。欲託助王師。以見掩襲。故引兵造河。方舟北濟。會行人發露。瓚亦梟夷。故使鋒芒挫縮。厥圖不果。屯據敖倉。阻河為固。迺欲運螳螂之斧。禦隆車之隧。幕府奉漢威靈。折衝宇宙。長戟百萬。胡騎千群。奮中黃育獲之士。聘良弓勁弩之勢。并州越太行。青徐涉濟。潔大軍汎黃河。以殲其前。荆州下宛。禁而擄其後。雪步並集。虜廷若舉炎火。以燭飛蓬。覆轡進。消滅若哉。當今漢室陵遲。...

精兵七百。圍守宮闕外。稱陪衛內。以拘質。懼篡逆之禍。因斯而作。乃忠臣肝膽塗地之秋。烈士立功之會也。可不昂哉。

孔璋此檄。能使頭風下床。孰謂一紙書不賢于十萬甲兵耶。



為曹洪與世子書

陳琳

十一月五日洪白。前初破賊。情侈意奢。說事頗過其實。得九月二十日書。讀之喜笑。把玩無厭。亦欲令陳琳作報。琳項多事。不能得為。念欲遠以為歡。故自竭老夫之思。辭多不可一二。粗舉大綱。以當談笑。漢中地形。實有險固。四嶽三塗。皆不及也。彼有精甲數萬。臨高守要。一夫揮戟。萬人不得進。而我軍過之。若駭鯨之決細網。奔兕之觸魯縞。未足以喻其易。雖云王者之師。有征無戰。不義而強。古人常有。故唐虞之世。蠻夷猾夏。周宣之盛。亦讐大邦。詩書歎載。言其難也。斯皆惡阻恃遠。故使其然。是以察茲地勢。謂為中材處之。殆難倉卒。來命陳彼妖惑之罪。序王師曠蕩之德。豈不信然。是夏殷所以喪。虜所以斃。我之所以克彼之所以敗也。不然。商周何以不敵哉。昔鬼方孽昧。崇虎護內。殷辛暴虐。三者皆下料也。然高宗有三十年之征。文王有退修之軍。盟津有再駕之役。然後聲戎勝殷。有此武功焉。未有星流景集。鸞奮霆擊。大驅河朝。至慕捷若今者也。由此觀之。彼

本祖極矣
其才則知
其于兵事
有況

則中才之守不然明矣在中才則謂不然而來示乃
以為彼之惡檢雖有孫田墨楚猶無所救焉又疑焉
何者古之用兵敵國雖亂尚有賢人則不伐也是故
三仁未去武王還師宮奇在虞晉不加戎季梁猶在
彊楚挫謀暨至眾賢奔紂三國為虛明其無道有人
猶可救也且夫墨子之守紫帶為垣高不可登折箸
為械堅不可入若乃距陽平據石門據八陣之列聘
奔牛之權為肯土崩魚爛哉設令守無巧拙皆可攀
附則公輸已陵宋城樂毅已拔仰墨矣墨翟之術何
古文國璋集卷之二十九

圭三國卷二

補田單之智何貴老夫不敏未之前聞蓋聞過高唐
者效王豹之謳游雕渙者學藻績之絲聞自入益部
仰司馬揚王之遺風有子勝斐然之志故頗奮文辭
異于他日怪乃輕其家立謂為倩人是何言歟夫驟
驟垂耳于桐牧鴻雀戢翼于汙池襲之者固以為園
圃之凡鳥外廐之下乘也及其整蘭筋揮勁翮陵厲
滑浮顧盼千里豈可謂其借翰于晨風假足于六駘
哉恐猶未信立言必大噓也洪白
漢中之拔乃張魯之不能非魏武之能也魯已奔

于故乘虛而取之洪此書雖使筆恢諧而論形勢
則審矣

古文國璋集卷之二十九

圭三國卷二



爲武帝與孫權書

阮 瑀

初權兄策并江東。魏武力未能遠。且欲據之。以弟女配策弟匡。爲子彰。取孫貴女。及策薨。權遂西連蜀漢。結好劉備。故書與權。按時又爲武帝與先主書云。破懷解帶。投分寄意。又謝武帝書云。一得披玄雲堂。白日。惟力是視。敢有二心。

離絕以來。于今三年。無一日而忘前好。亦猶姻媾之義。恩情已深。遠異之恨。中間尚淺也。孤懷此心。君豈同哉。每覽古今所由改趣。因緣侵辱。或起瑕釁。心忿意危。用成大變。若韓信傷心于失楚。彭寵積望于無異。盧綰嫌畏于已隙。英布憂迫于情漏。此事之緣也。

古文國璋集卷之二十九

三國志二

孤與將軍恩如骨肉。割授江南。不屬本州。宜若淮陽捐舊之恨。抑遏劉腹。相厚益隆。卒放朱浮。顯露之奏。無匿張勝。貸故之變。匪有陰構。賁赫之告。固非燕王淮南之望也。而忍絕王命。明棄碩交。實爲佞人所構。會也。夫似是之言。莫不動聽。因形設象。易爲變觀。示之以禍難。激之以恥辱。大丈夫雄心。能無憤發。昔蘇秦說韓。羞以牛後。韓王按劍作色。而怒。雖兵折地割。猶不爲悔人之情也。仁君年壯氣盛。緒信所雙。既懼患。至兼懷忿恨。不能復遠度。孤心近慮。事勢遂齎。見

薄之決計。乘翻然之成議。加劉備相扇揚。事結豐連。

推而行之。想暢本心。不願于此也。孤以薄德。位高任重。幸蒙國朝。將泰之運。蕩平天下。懷集異類。喜得全功。長享其福。而姻親坐離。厚援生隙。常恐海內多以相責。以爲老夫包藏禍心。陰有鄭武取胡之詐。乃使仁君翻然自絕。以是忿忿懷慙。反側常思。除棄小事。更中前好。二族俱榮。流祚後嗣。以明雅素。中誠之效。抱懷數年。未得散意。昔赤壁之役。遭罹疫氣。燒船自還。以避惡地。非周瑜水軍所能抑挫也。江陵之守。物

古文國璋集卷之二十九

三國志二

盡穀殫。無所復據。徙民還師。又非瑜之所能敗也。荆土本非已分。我盡與君。異取其餘。非相侵肌膚有所割損也。思計此變。無傷于孤。何必自遂于此。不復還之高帝。設爵以延田橫。光武指河而誓朱鮪。君之負累。豈如二子。是以至情。願聞德音。往年在譙。新造舟船。取足自載。以並九江。貴欲觀湖澤之形。定江濱之民耳。非有深入攻戰之計也。將恐議者大爲已榮。自謂策得。長無西患。重以此故。未肯迴情。然智者之慮。慮于未形。達者所規。規于未兆。是故子胥知姑蘇之

長江之險
數言而已
便若不可
後特

則以討賊
而自感動
之勢

古文國學集卷之二十九

美三國卷二

有麋鹿輔果識智伯之為趙禽。穆生謝病。以免楚難。鄒陽北游。不同吳禍。此四士者。豈聖人哉。徒通變思深。以微知著耳。以君之明。觀孤術數。量君所據。相計土地。豈勢少力乏。不能遠舉。割江之表。晏安而已哉。甚未然也。若恃水戰。臨江塞。要欲令王師終不得渡。亦未必也。夫水戰千里。情巧萬端。越為三軍。吳曾不禦。漢潛夏陽。魏豹不意。江河雖廣。其長難衛也。凡事有宜。不得盡言。將修舊好。而張形勢。更無以威脅重敵人之心。然有所恐。恐書無益。何則。往者軍逼。而自引還。今日在遠。而與慰納。辭遜意狹。謂其力盡。適以增驕。不足相動。但明效古。當自圖之耳。昔淮南信左吳之策。隗囂納王元之言。彭寵受親吏之計。三夫不宿終為世笑。梁王不受說。勝寶融斥逐張玄。二賢既覺。福亦隨之。願仁君少留意焉。若能內取子布。外擊劉備。以效赤心。用復前好。則江表之任。長以相付。高位重爵。自然可觀。上令聖朝無東顧之勞。下令百姓保安全之福。君享其榮。孤受其利。豈不快哉。若忽至成。以虛僥倖。婉彼二人。忍不加罪。所謂小人之仁。大

古文國學集卷之二十九

美三國卷二

人之賊。大雅之人。不肯為此也。若憐子布。願言俱存。亦能傾心去恨。願君之情。更與從事。取其後善。但禽劉備。亦足為效。開設二者。審處一焉。聞荆揚諸將。並得降者。皆言交州為君所執。豫章拒命。不承執事。疫早並行人。兵損減。各求進軍。其言云云。孤聞此言。未以為悅。然道路既遠。降者難信。幸人之災。君子不為。且又百姓國家之有。加懷區區。樂欲崇和。庶幾明德來見。招副不勞。而定丁孤。益貴是故。按兵守次。遣書致意。古者兵交。使在其中。願仁君及孤。虛心迴意。以應詩人補袞之歎。而慎周易牽復之義。濯鱗清流。飛翬天衢。良時在茲。曷之而已。孫曹深怨。元瑜為之開明。直似披肝相質。何其書記之工也。至于外取玄德。內圖子布。此二語。即江表暗辭之士。亦知其不可矣。蓋實事在此。便有涉迹之嫌。不似虛辭之易飾耳。